

ΠΡΟΠΕΜΠΤΙΚΟΝ *LL*

INDISCESSVM, OR-
NATISSIMORVM IV-
VENVM D. IOHANNIS BEREG-
ZAZII, ET IOHANNIS BONIFACII

*Debreczin E Gymnasio celebri Varadiensi,
Vitebergam proficiscentium*

SCRIPTVM

A

PETRO BEREGZAZIO

ANNO M. D. LXVIII.

XX IV LII



Vitebergæ,

Excudebat Iohannes
Crato.

ANNO M. D. LXIX.

SCIENTIUM BIBLIOTHECA
KÖNYVTÁRA

*Deo p[ro]p[ri]o inno d. f. a
voto joan. Bonifa
...*

ΠΡΟΠΕΜΠΤΙΚΟΝ.

Inclytus Æsonides patria fugiturus ab vrbe,
 Germaniq; dolis Colchas cessurus ad oras
 Phryxæam rapturus ouem lanasq; nitentes,
 Cum vasto timidam pelago deduceret alnum,
 Atq; notis vellet stricto dare carbasæ remo
 Lectorum multa stipatus classe virorum:
 Tota resultabant effuso mœnia luctu,
 Et querulos ingens edebat regia planctus,
 Theffala discisso mœrens velamine pubes
 Littore concurrrens summa prospectat arena,
 Gurgite dum medio volucris currente carina
 Ardua non moles tumidas subtenta per vndas
 Condidit à celfo pendentia lintea malo.

Quippe virum dociles pueri florensq; iuuentus,
 Quæis graue Martis opus curæ, quos Pallados arma
 Herculeiq; iuuant cursus, agileq; palæstra,
 Non secus ac semper carum coluere parentem.
 Ex illo morum studijq; exempla petebant
 Qua ratione alijs forti contendere lucta,
 Quî possent iaculum tensis emittere neruis,
 Excipere & duro grauidos in corpore cæstus.
 Flebimus & quo nos discessus carmine vestros
 O gemini cætus Iani diademata nostri
 Splendida? quos study communio iunxit honesti

Tyndaridas

Tiszántúli Református Egyházkerület
 Nagykönyvtára, Debrecen

RJK 403

Tyndaridas veluti socialia fœdera fratres?

Cecropiæ dilecta Deæ studiosa corona

Qua tua nam tandem mœrebis fata querela

Infelix quando priuaris utroq; Iohanne?

Illi nescio quæ letissima Phocidos arua

Contendunt petere & sacros inuisere fontes,

Iam iam pæonios fines urbemq; relinquunt

Chrysius aurati quam filius alluit Hermi.

Cernis ut in nodos collectæ cingula vesti

Subnectant : femorig; aptetur abeneus ensis?

Adsitis cuncti concursu accedite longo,

Quin aliquis promptos monitis affatur amicis,

Neue velint properos adeo coniungere gressus

Hortatur? Quæ vos nimium res urget amici

Ardua? Quæ miseræ stimulat sententia mentes?

Non si Thestorides Phœbea clarus in arte,

Aut Triviæ delubra colens Amphrysia vates

Hoc mihi Leucoreos cœlo contingere portus

Spondeat, incolumes sperem morbiq; nefandi

Securos cursus optatis sistere metis.

Torrida nunc æstas magno feruere calore

Incipit, arentes qua Sirius vrit aristas,

Herculeaq; manu pressum feruore Leonem

Sol adit, & lustrans nudantem puluere terram

Ignipedes longe Neptunia tardus in arua

Mergit equos, citus ast vndis excedit Eous.

A ij Iam

Iam nunc ruricolum flauis exercitus aruis
Lætus Eleusinae cælestia dona parentis
Sternit humi, & cumulo dentatis colligit aruis,
Nunc & culta suas effundunt Gargara messes.
Icarij saltem rutilo dum cedit ab axe
Stella canis : natusq; suos Hyperione currus
In loca virgineo deducat proxima signo,
Ne volucris plaustro celeres coniungite mannos.

Aut etiam, (prudens autumnus prima viator
Tempora non tenuit, solari libera flamma)
Palmitum dum viridi dulces mitescere botri
Incipiant, laticemq; suis gustare recentem
Tempora pampineis euinctus frondibus Euan
Præbeat, illius Nyseis brachia thyrsis
Contectæ, thyasos ducunt Trieterides, ingens
Cum Bromio reddat patri noua musta Cytheron
Naxon & immensos errant per Massica campos
Ogygiae matres : errant per fæta racemis
Ismara celsa sonant concussis Massica plantis.

Florida tunc molli mulcentur prata flabello
Blandaq; languentes consurgens aura Fauoni
Qui longos nudo triuere sub æthere cursus
Solatur, iuuenumq; fouet per membra vigorem.

Vos precor interea (non hæc mora longa putanda
Hospicio tenui placide succedite nostro) (est
Tentonica vobis prius intrauisse licebit

Pascua

2

Pascua versa manu, portusq; subire quietos
Albidos, & tuta compostos viuere terra,
Impete quam seua Nymphosus surgat Orion,
Ac claro argentes decedant æthere Chelæ,
Tempore post minimo liceat Bacheia dona
Cernere, purpureoq; madentia vasa Falerno.

Quis scit an obscuris latro grassator in antris
Dum per Carpathij prærupta cacumina saltus
Curretis rigidum saxis iter, obuius armis
Prodeat, & crudam fugientibus ingerat hastam?

Nunc patulis quæuis vestitur frondibus arbor:
Deuia nunc folijs densantur lustra ferarum,
Nunc omnes ardent sceleri indulgere nefando
Sauomatae, Dryopesq; feri, pictiq; Geloni.

Acrior at postquam Boreæ violentia terris
Sithonijs delapsa iugis successerit, imo
Spargit humo pingues abies celsissima baccas,
Fune stæq; simul lethales vertice fructus
Deijciunt taxi, prædoni fæda maligno
Tecta negunt vlni, marcescit chaonis arbor,
Vos quoq; tunc tuti multas penetrabitis oras.

Sed quid ego hæc vero nequicquam vana reuoluo?
Fallor an hisce nihil vos flecto rogatibus? anne
Hæc animis constans sedit sententia vestris?
Quid vos detineo? quid causas nec̄to morandi?
Tu tamen ô dextram tortis armate flagellis

Acris equum domitor binas non amplius horas
Præcipites inhibeto rotas rbedamq; volantem,
Dumq; viros primum pro tempore pauca monebo
Siste gradus, & equos spumantibus exue frenis.

Nunc iter in nitido medium Sol aureus vrget
Æthere, non olim talem dijs noxia proles
Excijt exusto flammam Chymeneia ponto,
Qualis nunc sine more furit : camposq; liquentes
Diffindit, fundo tellus nunc æstuat imo.
Defessos etiam tauros nunc soluit arator
Sedulus, & languens vmbra proiectus opaca
Iucundo fallit longissima tædia somno
Continuis nuper terram molitus aratris.

Extrema demum mæstus te voce saluto
Urbe Beregzazia vitales edite in auras
Qui patriam decoras æterna laude IO HANNES.
Ne precor, Albiacæ spectacula dulcia sedis
Ac vrbis celebri ductæ sub sydera fama
Maestas faciat, suauis quò mente sodales
Effluxisse, piumpq; sinas frigescere amorem.

Eximia vobis ratio dignissima laude
Præduros adeo non contempsisse labores
Suasit & Aonias Musarum visere sedes.
Impiger haud metuit grauido se credere Ponto
Mercator, milesq; ferox, quos improba nummi
Esuries cæcos & sanæ mentis egentes

Exegitur

Exegitur non hos latronum territat agmen,
 Non scopulosa piget penetrare Ceraunia, frigus
 Nonhorrent Scythicum, longinqua requirere *Ibules*
 Littora, Niliacumq; iuuat lustrare *Syenen*.

Quot quaeso gradibus fuluo preciosius auro
 Ingenium? quanto virtute locuplete clarus
 Ditiore? Argenti spes fluxa fugaxq; voluptas.
 Sola sed est pietas multos integra per annos,
 Quasq; viris tribuunt doctis *Heliconides*, artes
 Ingenuae, non has erodere scabra rubigo
 Non furum tetigisse manus, non martia tela
 Eruere aut violare potest *Vulcanis ignis*.

Sollicitas igitur sic vos quoq; vincere curas
 Pergite, Saxoniam patria properate relicta
 Visere, & vnanimi regiones pace quietas
 Concutit incessans illustrem *Pannonis oram*
 Gradinus, vultuq; furens *Bellona ferino*.

Vos vbi proposita classem sistetis arena
 Egregiamq; urbem monumentaq; sacra virorum
 Clarorum, solidisq; palatia nixa columnis
 Atq; simul nitidam spectabitis *Albidos amnem*,
 Deside non studio sacris incumbere scriptis,
 Numina supplicibus votis diuina precantes
 Dirigat, vt sacro praecordia flamine vestra
 Successusq; Deus sudoribus addere vestris
 Et velit infestos patrijs a sinibus hostes

Arcere

Arcere, horrificis vt tandem quassa procellis
Respirans, caput in lucentes erigat auras.

Est locus hic atrii certissima ianua Ditis
(Tanaron esse reor) saeuos vbi terra Gygantes
Et crudos peperit Lastrigonas, arduus ipse
Hic manet Enceladus Sicula resolutus ab Aetna,
Hic Briareus hic caeus atrox, acerg. Tiphæus,
Hic coniurati bellum mouere nefandum
Conantes superis Christum deuoluere regnis.

Summe Deum, qui sceptrā tenes altissima cæli
Hos precor atritos pallentem merge sub orbem:
Pblegræosq; viros infestis obrue telis,
Da precor Alcidem tot qui tristissima monstra
Sternat, pasiphaesq; necet qui Thesea prolem.

Hos & nunc Iuuenes tot per discrimina rerum
Per varios casus, per continuosq; labores
Incolumes duc atq; reduc, Pater alme, rogamus
Vt sua leucorea claudentes munerā in vrbe
Post aliquot canas, patria potiantur, aristas.

FINIS.

Tiszántúli Református Egyházkerület
Nagykönyvtára, Debrecen